

續六忌

程子論五患

朱子論五患

郭氏五患又三患

楊公三不笑

厲伯韶不下

陳搏四患

元公六戒

青島十不相

廖公六星之病

人子須知

淳熙元年

淳熙二年

淳熙三年

淳熙四年

淳熙五年

淳熙六年

淳熙七年

淳熙八年

淳熙九年

淳熙十年

淳熙十一年

淳熙十二年

淳熙十三年

淳熙十四年

淳熙十五年

淳熙十六年

淳熙十七年

淳熙十八年

淳熙十九年

淳熙二十年

淳熙二十一年

淳熙二十二年

人子須知卷之二十四

德興散人

少峯徐善繼
仰峯徐善述



同邑門人

程世窩

參錄

張日新

此一卷續論穴忌夫五患五要五不葬六戒十不相
三十六怕等訣及三十六絕十般無脉等凶皆穴之
所忌不可不察者采而輯之俾知所慎云

程子曰擇地先須避五患須使他日不爲道路不爲城
廓不爲溝池不爲貴勢所奪不爲耕犁所及

又曰五患者溝渠道路避村落遠并窰

按程子語錄云卜其宅兆者卜其地之美惡也非陰陽家所謂禍福者也地之美者則神靈安其子孫盛若培壅其根而枝葉茂理固然也地之惡者則反是然則曷謂地之美者土色之光潤草木之茂盛乃其驗也父祖子孫同氣彼安則此安彼危則此危亦其理也若不以奉先爲計而專以利後爲慮尤非孝子安厝之用心也惟五患者不得不

謹

朱子曰凡擇地必先論其主勢之強弱風氣之聚散水

土之淺深穴道之偏正力量之全否

又曰其或擇之不精地之不吉則必有水泉螻蟻地風之屬以賊其內使其形神不安而子孫亦有死亡絕滅之憂甚可畏也其或雖得吉地而葬之不厚藏之不深則兵戈亂雜之際無不遭罹發掘暴露之變此又其所當慮之大者也

又曰穿鑿已多之處地氣已洩雖有吉地亦無全力而祖塋之側數興土工以致驚動亦能挺災

丘文莊公曰風水之說雖不可信若夫乘生氣以安祖考之遺骸蓋有合於伊川本根枝葉之論先

儒往往取之文公先生與蔡季通預卜藏穴門人
褻糗行紼六日始至蓋亦慎擇也朱子論擇地謂
必先論其主勢之強弱風氣之聚散水土之淺深
穴道之偏正力量之全否然後可以較其地之美
惡後之擇葬地者誠本朱子是說而參以伊川光
潤茂盛之驗及五患之防可也

郭景純葬書云山之不可葬者五

氣以生和而童山不可葬也

洪氏理曰不生草木謂之無衣曰童程子以土色
光潤草茂盛爲地之美者

氣因形來而斷山不可葬也

洪氏曰若崩陷鑿斷氣脉不續者不可葬也秘要
曰一息不來身是殼正謂此也却與自然脫斷者
不同山行有斷脉不斷則吉耳

氣因土行而石山不可葬也

洪氏曰溫潤顏色鮮明者吉也又有奇異地隱於
石間而有土穴者又有鑿開頑石下有土穴者又
皆吉地不以此拘惟焦壇麻黑青板錐鑿不入頑
硬之石不可葬也

氣以勢止而過山不可葬也

洪氏曰氣因勢而止穴因形而結若其勢竟去不
住曰過龍兩邊插橈棹似龍虎昧者誤下又有腰
結及斬關穴不同者楊公云好地多從腰裡落回
轉餘枝作城廓却非過也何以辨之曰有穴
氣以龍會而獨山不可葬也

支龍行度兄弟同宗雌雄竝出及其止也城廓完
密衆山會集方成形穴今則單山孤露無情故不
可葬却有等支龍不生手足一起一伏金木行度
一路平陽兩邊以水爲衛送爲養蔭及其止也雌
雄交會大江或朝或橫外陽遠案在乎縹緲之間

縱有陰砂僅高數寸而已此又不可以孤露而棄之何也蓋得水爲上藏風次之所以貴也

又穴有五要葬有六凶

葬其所會 乘其所來 審其所廢 擇其所相 避其所害

陰陽交錯爲一凶

歲時之乖爲二凶

力小圖大爲三凶

憑福恃勢爲四凶

替上偏下爲五凶

變應怪見爲六凶

又穴有三吉

天光下臨地德上載藏神合朔神迎鬼避一吉也

洪氏曰天有一星地有一穴天星地形上下相應
張燕公曰神謂人之神魄合朔謂歲月日時也言
歲神合夫吉朔也神迎鬼避亦年月得吉之義
陰陽冲和五土四備二吉也

孤陽不生獨陰不成二五感合乃能冲和乃剛柔
相濟之處是爲吉穴中庸曰致中和天地位焉萬
物育焉其斯之謂歟五土四備黑不與焉紅黃爲
上

目力之巧工力之具趨全避缺增高益下三吉也
目力巧則能趨全避缺工力具則能增高益下是

故裁成輔相在人大凡作用之法隨宜料理千變
萬化本無定式全在心目靈巧而相度之蔡牧堂
所謂善者盡其當然而不害其爲自然不善者泥
乎自然而卒不知其所當然道不虛行存乎人耳

楊公三不葬

一曰有龍無穴不葬

二曰有穴無人不葬

無德之人

三曰有人無時不葬

年月未利

厲伯韶四不下

無穴不下

無德不下

無福不下

無期不下

陳希夷先生四要

要龍真

要穴正

要葬善

要時宜

按希夷先生爲種做杆一地葬母在豹林谷既定穴時未利約以期至期先生未至種遂葬宅岁畢先生至歎曰此地當出數代宰執惜葬法未善但出數將而已果後出種世衡種諤等數人爲將有聲又見朱子所著宋代名臣言行錄種做傳此見葬法非度不可有失而杆穴之妙誠難矣哉

廖金精六戒

第一莫下去水地立見敗家計

第二休尋劍脊龍殺師在其中

第三最忌凹風穴決定人丁絕

第四尤嫌無案山衣食必艱難

第五生怕明堂跌決是破家業

第六偏憎龍虎飛人口主分離

青烏仙十不相

一不相粗頑醜石

頑石粗醜形類凶惡者不可相也亦有龍身及穴
星左右龍虎皆粗石而穴間不見且穴星純土者
則吉如冰國公地來龍純石拔聳入雲近而見之
巉巖峭峻可驚及臨穴左右皆石只是當穴純土

光彩明白所以吉也福建興泉諸名地多有石

二不相急水爭流

急水交劍爭流穴前見之極凶不可相也

三不相窮源絕境

卜氏云窮源僻塢豈有真龍誠以窮僻水尾乃龍脉發身處不可相也有等大龍翻身入源奔至塢底而結穴者不以此拘

四不相單獨龍頭

單山獨壘孤寒無倚不可相也洪氏云獨當作露不露不忌亦有大龍獨行而至結穴處開窩鉗有

龍虎者不忌

五不相神前佛後

卜氏云神前佛後忌聞鍾鼓之聲是也然予兄弟多見美地不以此拘如福建建寧楊文敏公祖地在白鶴山者太陽汪尚書祖地在叫巖寺者皆切近禪室又如廖金精杆張少保壽基神墓先處去其廟而立穴若此之類莫能殫舉然則神前佛後似亦不足忌歟竊謂神廟寺觀多是孤陰寡陽單獨龍神或水口之山故在不相偶有亦結吉地者則龍有台屏帳蓋而非單獨之比有陰有陽有擁

從侍衛而非水口用神之屬特其龍甚旺故山川
靈氣所召未下之前而有神靈依棲者或餘氣發
泄而爲神廟寺觀者若此之類何神前佛後之是
畏哉諺云天下名山僧占多其斯之謂歟雖然又
不可繫以壇廟處有穴而專慕於此此等去處不
結穴者極多結穴者乃偶有一二而已若於不結
穴處勉強扞葬尤所非宜不可不慎誠有吉穴陽
須至誠以善求之不可則止付之緣分切不可恃
勢強求以爲理外之事多見因此風水且未得而
反賈奇禍者君子可不慎之哉

傳疑

建安楊文敏公祖達卿好施與以木萬株施之
白鶴山僧因得其地先是有望氣者言此山有
異氣欲斷之旦斷而夜復滿遂止楊氏葬後文
敏公榮登第官至太師又科第數十人至今官
貴不替按是地亦催官地也葬此地時文敏公
十餘歲矣公有白鶴山房記詳載得地之由見
建寧地 圖見龍法卷

又廖金精爲張潛公抃壽域於德興鑄印墩其穴
爲吳王芮廟基神甚顯不可犯廖曰姑置俟壬

申歲君家必產貴丁可令乳母襁褓中訓食爲
拆三四歲言語明白可負此子入廟據案上令
乳母以菓品食之彼必言拆預召僕夫百餘人
至廟間候童言拆群聲應曰領鉤肯一時撤廟
然後杆穴可也果歲至壬申而誕張忠定公燾
如廖公語撤廟杆穴後忠定官至少保贈潛亦
少保今稱少保墓

六不相墓宅休囚

墓宅休囚氣運衰敗縱有吉穴亦不發福不可相
也蓋地之氣運有盛有衰當其盛時則雖小結作

亦能發福當其衰敗則雖有上吉亦不發越故古
今一洛邑也古今一長安也昔爲富貴繁華之地
而今爲草莽荆棘之場非陵谷變遷亦氣運使之
耳地師先須識此

七不相山岡潦亂

山勢岡壟走亂條條無情之處龍穴不聚不可相
八不相風水悲愁

風水悲愁者山粗雄而不媚水峻急而有聲風交
吹如號如泣或湖泊之間或渺茫之坂或山鄉之
處風水悲愁多爲戰鬪之場每數十年必有一次

爭戰殺伐或賊寇所過或剿滅強梁之類此必然之應也

九不相坐下低軟

凡主山欲其盛旺高明若坐下低軟則無氣脉多為軟弱蕩皮死氣之地不可相也

十不相龍虎尖頭

龍虎尖頭相關乃凶若尖而不射不關多是曜星發露為貴地之證又未可盡以為凶楊公云或關射尖如針兩邊相指穴前尋非惟子息多清貴更須積玉與堆金蓋此等龍虎若龍穴真乃為明曜

或

主貴充顯

廖金精穴星八病

斬指眉痕項下拖

破碎石嵯峨

斷肩有水穿膊出

剖腹腦長窟

折臂原來左右低

破面浪痕垂

陷是脚頭竄入水

吐舌生尖嘴

又穴面四病

贊頂脉從腦上抽星峯不現頭
墜足脉從腳下去靈光內所聚
綳面橫生脉數條生氣自潜消
飽肚粗如覆箕樣醜惡那堪相

李淳風論脉有八病

如魚胞則非泡

如葫蘆則非乳

透頂出脉非硬

贊頂如竹不起頂非節

串不明非珠


圓有脊非塊

粗大非氣

流動出脉非轉皮

八病圖

如魚胞



非胞

似葫蘆



非乳

透頂出



脈非硬

如竹不起




頂非節

串不明




非珠

圓有脊




非鬼

脈粗大



非氣

流動出脈



非轉皮

又穴有七凶

貫頂串脉

斷如斬

露胎

受殺


死贅背

吐殺


綳面



貫頂串脉呈
峰無頭凶




龍虎
短縮




頑硬




綳面浪痕
或橫或直
破碎參差



斬截
如斷



散



直長曰死吐殺也

泓師三十六絕穴

覆月

太陰星下角穴何以謂之覆月絕狀必孤露飽硬

無受穴之處來龍不真多作水口羅星之類誤下
則絕

牛鼻

獨高而孤垂無遮護風交吹者是也訣云雨打蝦
蟇背風吹牛鼻頭有人杵此穴田地不留坵

窮源

源之窮盡處乃龍未住大山發足處耳必山勢雄
逼雪心賦曰窮源僻塢豈有真龍亦有大龍翻身
屈曲結穴於源頭者亦有似源頭實非源頭者又
不以此拘

牛角

尖露而出石多是矐氣不結穴悞下必絕

釵股

硬露脉盡氣絕

帶刀

峻硬側斜無立穴處

牽城

水斜牽無情必不融結

倒城

傾瀉

三箭

三水直射峻急而來去皆凶

撞城

水直撞射穴

斷城

水衝破

四吊

四水直去無溶注

裹城

水裹頭無餘氣訣云裹頭城裡莫杆墳刦却東西

便動瘟

蛇頭

氣暴殺重不開窩鉗不可杆穴若有種者下粘穴
又不拘此或下王字穴或下耳穴皆要有自然窩
泡否則主凶

蛇尾

尖利而小且長亦脉盡氣絕之所矣

浮脾

潤而氣散不結穴或龍真者可爲陽基

遶岡

是纏護之砂風吹水劫無枝脚或縱橫路遠皆凶
犁壁

高峻而下尖八風交吹無藏蓄之態主凶

交劍

山之交劍者尖利相指射水之交劍者兩水相交
會山交劍主殺鬪軍配水交劍是脉大盡處主絕

死蛇

死蛇不屈曲而軟弱無氣主絕

垂足

箕踞之狀凶

天敗

崩陷之所氣敗處也誤認爲窩而下之主絕

懸針

大龍行去而垂枝脚上大而下尖利如懸針不結

穴主絕

鞋尖

微有起而孤露無來脉風吹水割

狼牙

尖露

離鄉

左右山飛走順水無收拾

弓鞠

兩岳

弓弦

直急

鼠頭

尖縮

過宮

氣去不融結葬書云氣以勢止而過山不可葬也

不蓄

陰陽不交界合不明生氣散漫而無收拾謂之不蓄言不聚蓄也葬書云不蓄之穴腐骨之藏是也
騰漏

左空右缺前曠後跌地中生氣悉爲風所蕩散不能融聚壠之沉氣升騰于上支之浮氣漏洩于下葬之無益於存亡適足以腐敗棺骨經曰騰漏之穴敗槨之藏是也

卧尸

臃腫直硬如死屍卧地龍之無逶迤不結穴者也
誤下主絕

釵頭

前言釵股乃硬而露此言釵頭乃硬而尖皆凶

八式十二例雜論

有吉有凶

一曰破

崩破峰壠斷岡壞塹之地或流水衝損霹靂所驚

二曰反

敵反不正在右邊則女不正破產在左則出姦猾人

三曰流

流走不顧隨水而去或左右山不收或玄武朱雀

尖竄

四曰射

山直來尖射向塚宅或如拖鎗或如懸刀或如蛇尾

五曰面

峰巒環合入來相揖龍虎宛轉回抱歸向不流者是也

六曰伏

其山偃伏低下不能高聳或如覆屍或如卧蠶是也

七曰圓

山欲圓而不欲粗欲小而不欲大粗大鈍濁圓小清奇

八曰巧

巧者秀麗如描畫聳立如卓旗或橫如玉帶或突如跪爐或轉如勒馬或盤如戲龍或疊如垂簾或簇如懸幕或列如排衙或掇如案牀或如驅羊或如飛鳳千狀萬類不可盡載智者自能明之

九曰暗

形狀不明在隱暗之處或模糊不清或衆山共圍

一山

十曰亂

襟亂繁多並無條理如亂花如投筭四散不可紀是也

十一曰水

有山而無水謂之孤有水而無山謂之寡水欲深而下急欲平而無聲十里之外有秀水入明堂者大貴之地也

十二曰石

開壙見青石者凶紅粉者吉獨石如鼓醜石如崩

崖尖利頑塊俱凶石碎巉巖與山無草木及石間
有濕潤者俱凶若有五色石細膩如粉并五色土
者主大富貴之地

劉白頭十般無脉絕

山 凹 絕



如居山谷且要藏風此山凹而
龍虎腰缺陷風吹其穴主絕廖
氏云第一莫下凹風穴決定人
丁絕

城門絕



真龍正穴結作於內而門戶間
雖似星辰乃不結穴謂之城門
絕

覆鍾絕



形如覆鍾高聳而直硬峻急可
尋下吐粘穴要龍虎護衛其覆
鍾俗取嚮上穴者非是若果有
穴則開窩鉗

馬眼絕



乾流絕



來龍急而玄武高昂不受穴孤
露受風吹水必不聚堂一無可
取何必泥亥龍艮龍哉


橫龍有空亡窩趕元辰乾流而
左右山皆走攬龍去別處做穴
乃過龍也誤下必絕人丁

犁嘴絕



降勢急而尖如犁嘴直硬帶殺
不可并穴誤下必絕

鵝頸絕



護送不包穴而皆尖利本身雖
逶迤不可謂龍活乃鵝頸鴨頸
單寒微弱故主絕


須知三十四

乾窠絕



過龍假結乾窠橫脉不能開弁
又無唇擅證穴必是花假主絕

初龍絕



真是初龍結穴則吉但非初龍
而於龍發處并無脉無穴之地
山粗水短無龍無穴主絕

大坂絕



大坂之中無龍脉無突無來歷
一坦平洋或經斷脉水却不相
聯屬葬之主絕

洪悟齋二十四殺穴

若星頭不明不土不金肢脚走閃巖峻破碎崩崖洪
赤倒旗惡石肥壅腫粗茅葉拖鎗反歌軟蕩架柴晒
網破傘嵯峨柔弱屈曲死蛇死鱗散花亂衣迎送不
來順下斜飛披頭撒掌初陌客風當面捲簾土牛牽

動等穴若不避忌誤人敗絕宜加精辯庶真假得分也

頸長



玄武垂下頸長如繩而且纖細
頭上成星而入首不昂兩邊殺
水又劫全無生氣故凶

仰瓦




雪心賦云穴後須防仰瓦蓋後
宮仰瓦則氣不融結何得有地
惟天財穴又喜仰瓦

空窠



不生胞乳又無羶唇龍必不真
不須着眼

吐舌




玄武吐舌若龍真而左右有情
亦有截法所謂玄武觜長高處
截是也

翹短



龍虎不能護穴謂之漏胎穴受
風吹主絕人敗財瘟火切不可
下

貫頂




廖公云貫頂脉從腦上抽星峰
不見頭此穴法之不取也必非
真龍結作

水規




水規茶槽上無分下無合四直
漏槽金釵頂後龍而頂圓有窩
穴但兩手直耳

死塊



死塊者無龍脉而壅腫粗頑無
界水且單寒小弱八風交攻

鰲裙



山脚有坪形如鰲裙真氣不到
誤下絕人或後龍來急吐有餘
氣可尋實粘橫龍則非吉

突 肚




腫硬突露不受穴亦謂之飽肚
縱有他應亦不可下若撞背龍
真可尋做穴

甕 弦



壅腫鬱來似甕弦金魚不到土
牛牽時師道是窩囊裡枉費心
機空費錢

箕 筭




如人扶起筭箕樣水直金魚會
不成氣脉不藏空立穴子孫窮
苦受伶仃

牛 軛



牛軛形橫無節枝兩邊水散局
順飛硬直捩然無護揖誤杆枉
死少年兒

擁膝



如人擁膝坐寒爐健硬生來氣
脉粗左右不回山水散田連阡
陌也如無

綳面



廖公云綳面橫生脉數條生氣
自潜消與此稍異要之皆爲凶
穴不可下也

墜 足 童 頭



廖公云墜足脉從脚下出此謂
頭細頭粗皆一理耳俱不可下



葬書云氣以生和而童山不可
葬也蓋童禿之山草木不能生
育安能有生氣以膺人哉

竹篙




竹篙頭硬如帶殺既無節又無
痕誠一死硬物耳安可下穴

搖拳



穴星不成而硬直如搖拳孤露
受風必來龍不真故有此醜穴
不必顧矣

反肘



反肘無情向穴謂之龍虎反背
主悖逆爭鬪不孝不義凶莫大
焉

弩

嘴



硬面天罡帶火如弩嘴不受穴
切勿輕下主瘟火人命枉死少
丁

面 鋤



未鋤面峻硬壁立不受穴是龍
不真故成此形狀不必追尋耳

玄武



玄武不垂頭者謂之拒尸故但
凡穴前必須平坦否則不納
穴皆是拒尸

壁立

虎入

明堂



白虎入明堂兒孫主少亡蓋虎
山高昂謂之啣尸又入明堂謂
之拭淚俱大凶若水例右白虎
宜強不以此拘

右二十四位殺穴頸長小者來弱也翅短者無包
藏也負頂者無主星也絢面者生氣散也若如死
鰲背陰陽不分也墜足者後輕前重也童頭者燥
禿無生氣也竹篙搖拳者直殺也水規甕弦空窠
者無頂乳虛窩也死塊者頑硬也鰲裙者氣散也

突肚似冬瓜與覆甬箕爲皆死硬麗皮也箕口散也仰箕虛窩也擁膝壁迫也仰尾後空也吐舌露胎也玄武壁立不納也虎迫堂挺甬拭淚也大抵穴星粗頑破碎壁峻醜惡壅腫尖利瘦削柔弱孤露硬直不悠揚皆謂之殺穴必來龍不真故作穴不美而水城案對龍虎縱合矩度亦爲虛花不可貪砂水而失龍之根本也

紫瓊張真人穴法三十六怕

穴怕闢殺直杆 穴怕臃腫頑堅 穴怕孤露單寒
穴怕惡石巉巖 穴怕坐下低輓 穴怕卑濕瀝泉

穴怕懶坦平洋

穴怕崩破鑿傷

穴怕前高後低

穴怕四山壓欺

穴怕左空右缺

穴怕明堂傾跌

穴怕鎗頭鼠尾

穴怕鵝頭鴨嘴

穴怕高山峻嶺

穴怕面牆坐井

穴怕水走沙飛

穴怕燒窑築陂

穴怕捲簾水現

穴怕劫砂當面

穴怕凹風吹射

穴怕元辰直瀉

穴怕堂氣不收

穴怕箭水直流

穴怕界水淋頭

穴怕牽動土牛

穴怕明堂空曠

穴怕界水塞暗

穴怕八風交吹

穴怕劒水衝摧

穴怕全無餘氣

穴怕路行穿臂

穴前怕見深坑

穴前怕見反城

穴後怕是仰尾

穴後怕是高樹

紫清真人白玉塘四喻

龍雖好而無穴謂之有若無穴雖好而無龍謂之實
若虎地雖吉而葬不得法謂之有官無祿地雖吉而
年月失利謂之有舟無楫

傳疑


王塘仙翁為臨川吳氏并新畬陽基在縣北百里
鮎魚形吳氏舊基乏人翁曰遷此大旺人丁但年
月未利吳氏欲速不暇益期仙翁曰亥卯水流乾
戌合年月不利貴來遲吳氏果大旺人丁自宋迄
今三百年後始出中江公璵登嘉靖乙未進士官

金憲曰方曰慧曰宗漢諸君連登科第方亨

辨穴真假附

凡定穴有天然的定之所一步不可移易者方為真穴如人着艾用針自有一定之穴不可差毫釐若移左一步放棺亦似是移右一步放棺亦似是移上亦正移下亦正無的然之所者則非真穴術家謂之菩薩面面皆好決非真穴

菩薩面



上無分下無合無證佐是假穴
無雞跡个字無燕尾三叉無唇
毡證佐

夜義頭



上有分下有合證佐明是真穴
有个字有唇龜有三义

龍分兩片穴三义 証佐分明始是佳

平正尖圓隨步有 也應此地少榮華

傷龍傷穴說附

傷龍傷穴有二說一是穴點太高為傷龍穴點太低
為傷穴一是順來順下氣冲於腦謂傷龍斜插太過
氣不貫耳謂傷穴二說俱是以氣言高則氣太急低
則脫氣順來順下悶氣冲腦饒減太過脉注不着故

云高低饒減咫尺間得失吉凶從此定不可不慎傷
龍主禍速傷穴主禍遲古人謂寧可傷穴不可傷龍
以取禍之遲速言耳其實二者均不可傷一說掘鑿
太廣傷龍開井太深傷穴皆當慎之

人子須知卷之二十四

人子須知卷之二十五

銀邑散人

徐善繼
徐善述 同著

此一卷專論恠穴夫恠穴者異常之穴也真龍藏倖
穴多異常人難測識故曰恠穴實乃造化隱機以俟
有德故凡大地多是恠穴但常穴易安穩恠穴多僥
險常穴雖時師猶可知恠穴非法眼不可辨若識恠
不真爲害不淺本欲置之不談尚恐庸師嗜利者藉
口竒恠黎首飲毒又懼自任聰明者索隱好竒置親
險地是以將言復輟欲罷不能謂如隱秘而不談孰

須臾
若直陳而破惑敢將師訣參以已知立歌補註用述
其槩云

恠穴破惑歌

真龍藏倖穴奇恠俗眼何曾愛天珍地秘鬼神司指點
待明師

藏者晦而隱也倖者譎而險也蓋真龍融結福量非常故其爲穴亦殊常格潛踪閃跡韜光斂華而爲詭異形穴若有閉藏之狀不使時俗易識故曰藏倖屬伯韶云天機好處從來秘不教俗眼識其奇然大地言穴人不易識若天地之有呵護以待厚德不輕與

人者苟非明師深契奧妙何以發天地之隱洩鬼神

之機哉陳氏云

名策號靈泉銀邑人

地出生成穴易提不須師

管郭地逢惟異穴難杵還要遇神仙是也但恠穴雖
待明師而後杵明師亦必積德而可致故積德爲圖
地之本良有以也苟使穴皆不恠人皆可杵則爲惡
之家亦可以得吉地豈造化福善禍淫之微意哉
明師勘破玄機訣秘密不敢說恐君緣福或輕微指出
及驚疑

天造地設或好地醜形或好形醜病如杜后無齒待
周王則生鈎弋手拳遇漢武則伸俟其人耳明師之

識恠穴恠穴之待明師豈偶然哉但此等大地明師
雖能識之奈何形穴恠異隱晦殊常苟非陰功重厚
福人慶門雖有曾楊之能周孔之地獻之必不售告
之必不信反致揜口胡盧或驚駭疑怖甚至訛謗詆
毀而咎之若吳國師景鸞獻中幹地而反遭禁錮者
世豈少哉何也誠以此等大地非淺福薄德所宜受
用苟不虔德而妄獻輕指則天地鬼神加怒而地師
反遭禍害故明師雖遇此真龍大地恠異之穴必須
珍重毋得輕洩以取過愆賴氏云世降風移人少淳
大地相逢勿輕許廖氏云世人將信又將疑在自洩

天機

地有奇巧有醜拙總名爲恠穴巧是穴形美且奇地位使人疑拙是穴形媿且醜孤疑難下手高人造化蘊胸中巧拙盡玄通

真龍之融結有處於非常之地者謂之巧有結爲詭醜之形者謂之拙總名曰恠穴惟高術之士能明之大凡恠穴有蹺溪龍要十分奇認得龍神的真恠穴始堪鍼

恠穴以龍爲取舍故必有十分美龍方可下之不然則多謬戾禍不旋踵經云龍若真兮穴便真龍不真

今少真穴又云恐君疑穴難取裁好向後龍身上別
龍上生峰是根核前頭形穴是花開根核若真穴不
假蓋從種類生出來是也

巧穴巧穴何巧穴仔細與君說或然高在萬山巔天巧
穴堪扞

地有結於萬仞山巔而爲天巧之穴者子微云第一
天巧最高穴常人懼怕輕棄撇只言高處穴難安不
知巧穴有真訣天巧山頂分龍虎峻地平夷有門戶
入到穴中如半天四望百里堪摘取此地神童及狀
元子子孫孫皆過府釋之者曰穴不在天而名曰天

巧以其高出雲霄如在天上故曰天巧每見龍穴湫窟仙祠佛宇多在崇岡疊嶺之上登山或數十里或二三十里多至五六十里方見窟穴宮室所在莫不別有天地境界觀其龍穴其爲龍宮其爲仙廟其爲佛刹各隨其宜不可更革蓋天造地設逞奇顯異山上出泉冬夏不竭峯巔有田多至萬頃未經開荒則長林茂木惡蜂毒蛇鬼神占護及其緣會遇合則風霆開闢鬼神剪除長徑屈蟠廣途平坦此造化之玄也天巧之穴無以異此信哉言也是故凡天巧之穴雖在高山及登其所豁然開濶局勢寬平如在平地

不知爲萬仞山巔但見四面八方獻奇列秀如三千
粉黛八百煙花次第羅列城廓周完朝案重疊明堂
團聚左右環抱三陽具備諸吉拱護水不傾瀉穴不
孤寒乃爲真結力量極大上格貴龍或爲禁穴或出
聖賢中格龍亦能出將入相皇妃國戚神童狀元滿
門朱紫下格龍無此融結也予兄弟所見者如漢高
祖祖地在寧都縣靈雲山牙鼓峒見贛州府郡志及
一統志舊名虔州
府虔朱夫子祖地在婺源縣官坑嶺金斗形
梁上穴范文正
化縣公祖地在蘓州太湖格名萬
笏朝天及吾邑廖公下張氏白
牛坦祖地出一文一文一武一神
政事文也甲公忠利侯武也
紫瓊真人張

君範泉州曾丞相公亮祖地番天馬皆其格也大抵

此等地要穴場極暖雖在高山不知其高則善否則

據高掘秀未免風寒又多結為神僊窟宅如太和山

之玄帝宮九華山之地藏殿匡廬天池寺鴈蕩羅漢

巖與夫武夷天遊西華僊掌太華三僊黃梅四祖等

處皆天巧穴也凡修僊佛亦須擇取名山然後可以

成道蓋亦收山川之靈秀耳予嘗謂修僊先要選名

山如許真君煉丹同郭景純切忌孤峰四望寒請看

古來成道處洞天福地不尋常古云天下名山僧

或然低在深田裡沒泥穴可取

地有結於平田汙下之處者廖氏曰藏龜閃跡在田
中是也張子微謂之天平穴中原平洋之地龍行地
中而不可見問露毛脊爲石骨爲墩阜及結穴處亦
要高下分明此亦名爲沒泥龍蛇藏蟄于泥時有毛
脊露出泥外取其不見龍身間露一二知其爲龍蛇
之蟄藏爾此格全在觀水勢以尋穴故楊公云平地
龍神因水勢又云凡到平洋莫問踪只觀水遠是真
龍但龍在平田散亂難見而又雜以溝洫諸水縱橫
未易檢點必心目聰巧而後可識不然亦水邊田耳
或然孤露八風吹登穴自隈聚

廖氏云坐空轉面去當朝不怕八風搖然亦不可穴
上受風登穴隈聚則善也張子微天風穴云八風可
至之地望之若寒即之則溫望之似露登之則藏發
揮云山峻穴高蓋於峻中求平山露穴出蓋以兩肩
有蔽似於孫露受風其實則藏風聚氣此所以吉俗
眼不識嫌其露也

或然直出兩水射臨穴有憑藉

楊公云也曾見穴直如鎗兩水射脇似難當是也然
兩水射脇之穴必要當水射處或有石曜衝出或有
山頭夾照穴間不見水來故曰臨穴有憑藉

或然結在水中央四畔水汪洋

楊公云也有穴在深潭裏卜氏云水底穴必須道眼
謝子期釋之曰水底之穴甚難尋究必是來脉精奇
踪跡恠異自然超技與衆不同脉跡奇異而來臨於
深淵大澤忽然隱脉必其穴生水底惟道眼者知之
張子微亦云要知水巧在何處行水中問龍脉繫或
見或隱或夾流尋得龍來穴無地居然却在水中央
百箇山人無一喜正緣見脉不分明巧在水中難指
耳誠如諸公所說則是安穴水底以愚層見則爲不
然嘗窺廖氏恠穴破惑歌云捉月雖云在水中還要

土來封正恐人以水中安穴而不能用水封耳故此指出穴在水中四畔皆水乃是水中突出山阜于山阜上結穴而四面迴環周匝皆汪洋巨浸卽是穴惟水中爲水巧之穴不可誤作穴安水底方爲水中穴且天地間安有水中作穴扞葬之理苟或有之亦行險僥倖仁人孝子豈忍以親躰置之水中而自取悖逆之罪以希圖富貴哉蔡西山亦嘗有云水巧之穴尤其難見亦且難信宇宙之間水中融結固不多見扞于水中尤所罕聞或者舍山而就水舍高而就下理則有之亦須龍穴真的無疑方可不然反成絕

列女志卷之五
穴况杵於水中乎非審察地理精熟透徹何敢以前
人躰魄嘗試險穴誠確論也

或然結在頑石裏鑿逢土脉取

子微六也有石山石片漫皆無寸土穴難安不合龍
真難捨去尋趁十日無足觀此名天完混沌氣龍皮
粗厚頭面乾時人莫道無草木不知童山是兩般童
山土色細雜碎可栽木植生長難天完之地無縫路
蕩蕩光滑如削剗却須迴環四數地自有土潤草木
山只有相當作穴處頭面漫漫皆石盤石必有縫可
鑄鑿石板之下有土山若得土時穴須淺不必深鑿

入其間是謂穴結石裡也但頑石漫漫不易測識苟
非高術法眼相度安知頑石之下可以鑿逢土而安
柅哉故卜氏云石間穴貴得明師

或然有穴瞰泉竅葬後泉乾燥

真龍氣旺故結穴完而其氣又有餘盛從而漏爲靈
泉子微所謂龍氣之旺迸裂不禁者是也亦謂之龍
漏穴本是真龍漏天地之秘示人以自然之穴但造
物玄機以泉惑人故未易測然其泉亦必甘美異常
又非冷泉險潰之比西山云泉有數種惟冷漿泉不
可灌溉不堪盥頰不入炊飯滋滋浸漬清不能澄濁

不能混此無用之泉也紅泉之地不可取用恐有銀
脉腥泉之地不宜留意恐有鐵礦溫泉醴泉則旺氣
已鍾于泉不復成地若泉清可掬可澣可濯澄之愈
清混之難濁春夏不盈秋冬不涸皆泉之美者也穴
適值此則爲佳脉瞰泉竅上弦以治穴納棺此泉必
縮爲生氣不復流注若夫得雨則盈雨霽則涸望之
似可揚塵踐之或可沒脛此不涸之地地脉踈漏最
爲無用或春夏有泉秋冬乾竭或雨則泉迸晴則泉
乾皆不足用故穴逢龍漏又須論泉而後論地泉吉
而穴吉是也然亦不必拘於葬後泉乾亦有不乾而

吉者但要泉美爲準耳

或然有穴逼水邊葬後水城遷

龍真穴正不幸而逼近水涯或水衝水割此亦造化留心待其主耳故葬後水徙而吉卜氏云水有陵遷谷變是也史記晉郭璞葬母於暨陽去水百步人以爲言璞曰當卽爲陸矣其後沙漲皆爲桑田

或然有穴居龍脊騎龍貴無敵

廖氏云騎龍須要居龍脊龍住應無敵是也蓋騎龍穴力量最大乃龍氣旺盛故結穴後猶有餘氣之山以其穴不居盡處故曰騎龍舊說前去山皆不結穴

予兄弟見僊跡騎龍穴結後再去山多有結作但力量有大小受穴有正副不同耳如吾邑吳國師爲十院張氏下一騎龍穴在新營河南五里土名烏石源出張忠定公燾爲宰執甲公封忠利侯進士五十餘人其龍結穴後復起大山去土名桃芝源又結董德彰下金鵝抱卵形地出尚書省齋公張憲又如績溪縣汪王祖地將軍踏弩形景德鎮劉御史祖地猛虎下山形福建林見素尚書祖地鳳凰啣書形等穴皆是騎龍結穴後復去俱結富貴地實皆僊跡可證者蓋以龍氣極旺故餘氣透漏猶有融結耳古歌一篇

論騎龍穴意頗詳盡附錄於此

歌云三十六座騎龍穴不是神僊難辯別水分八字兩邊流且是穴前傾又跌無龍無虎無明堂水去迢迢數里長玄武雖端氣還過庸師安敢妄評章真龍踴勢難頓住結穴定了氣還去就身作起案端嚴四正八方皆會聚外陽休問有和無只看藩垣與夾扶左右護龍并護水迴環交鎖正龍居或作龜背或牛肩或作鶴嘴蜘蛛肚鳳凰啣印龍吐珠天馬昂頭蛇過路前案不拘尖與圓或橫或直正無偏但尋真氣居何地認取天心十道全或

在平洋或溪灣或在高峯半山上或然山達千萬
重或然水去千萬丈神僊方識此規模自可一湖
通百湖巧目神機扞正穴何須逐一看砂圖教君
細認無恠竒左右護纏不曾離水雖前去三五里
之玄屈曲合天機更有異穴倒騎龍前後妙在看
形容千變萬化理歸一盡在高山心目中要妙無
過捉氣脉吉凶禍福分黑白君如下得騎龍穴百
子千孫非浪說騎龍之穴福非輕世代富貴無休
歇狀元及第總堪誇將相公侯盈帝闕
按歌理攸當但三十六穴之說則拘矣學者不可

泥之

或然有穴截龍脉斬關古有格

斬關穴者乃斬截行龍氣脉而結穴也蓋龍之大勢
已去旺氣暫注亦成星辰有形穴可下故斬氣截脉
下之非強勉斬截龍脉而立穴也此地發福極快但
不悠久蓋爲龍盡處自有正穴故爾經云假穴斬關
莫道真正穴真形都差了京口丹徒之後山常有雲
氣聚其間曲阿之中有一穴却被劉翹斬一關斬關
之穴始于此只得二代生龍顏是也

曲阿在丹徒縣
卽劉裕之父墳

或然有穴傍湖濱秋冬始見真

穴有結於湖濱者春夏水漲之時四望皆水直至秋冬水退而穴形始見如認龍真亦可用之不畏其卑濕也楊公云也曾見穴臨水際俗人見穴無包藏又云平中還有水流坡高水一寸卽是阿只爲時師眼力淺到彼茫然無奈何便言無處尋踪跡直到有山方認得如此之人豈可言有穴在坪原自失只來山上覓龍虎又要乳頭始云吉不知山窮落坪去穴在坪中貴無敵痴師誤了幾多人又道葬埋畏卑濕不知穴在水中者如此難憑怕泉漑蓋緣水漲在中間水退却同乾地力此說曲盡湖濱穴法之妙

或然有穴落田疇春夏水交流

平田之地高一寸爲山低一寸爲水原自高山撒落
平洋牽連鋪展平坦而來微有脊脉當春夏灌溉之
時滿目皆水俗眼見此不忽其爲泥汚則棄其爲水
漑安知其有美地存焉但結穴之處必須有銀錠束
氣融聚分水伶俐忽起微突開口明白界水變攢方
爲真穴雖水田滿目不足畏也

或然穴在土皮上名曰培土葬

培土葬者其地氣浮于上故下棺之時不深穿井故
棺土皮之上外以客土培之故曰培土葬也朱子曰

漳泉間棺只浮于土上深者僅有一半入地所以上
面封土甚高後來見福州人舉移舊墳稍深者無不
有水方知興化漳泉淺葬者蓋防水耳按淺葬之法
不特漳泉爲然蓋地土有厚薄之殊龍脉有浮沉之
異地土厚龍脉沉有葬至數丈者不謂之過深地土
薄龍脉浮有安柩土皮之上用客土封培成塚者不
謂之過淺噫非圓機之士其孰能之

或然穴在石罅中有土氣斯通

此石山土穴也葬經云氣因土行而石山不可葬蓋
頑石之不可掘鑿者則隔斷生氣且多生水所以不

可下也故石山必有土穴爲真廖氏云漱石莫疑安
石罅土穴端無價是也楊公云也有穴在大石間卜
氏云石間穴貴得明師皆言石間有穴却不明言立
穴處必須有土爲真張子微乃謂石巧之穴石盤生
如琢如鑄如切成上無縫脉穿鑿計且無寸土爲選
蔽又云此穴依山不須鑿結砌安恆平處是自然融
結得山脉不必鑿開泄石氣則又直指頑石之上安
恆誠如所言是與葬經相背且石山土穴或石山鑿
見土脉爲穴予聞其語矣亦見其地也石穴不可掘
鑿則是頑石無生氣今言安恆其上以土封之吾聞

其語矣未見其地也雖云有之終于我心有所不安不敢取以爲法寧從廖不從張

也曾見穴水直流下後出公侯

真龍大地包裹重疊而正穴必居衆山擁衛之內小水直流勢所必有陶公云直流百步奕世爲官必須外面大河大溪逆潮橫達而山脚重重攔截賦云元辰水當心直出未可言凶外面山轉首橫攔得之反吉是也然直流之穴必須龍長氣旺力量極大又得兩畔山脚包收水雖去而山則迴穴甚週密則可若龍短力小一步去水亦不可下廖氏云第一莫下去

水地立見敗家計至驗至驗戒之戒之
也曾見穴砂斜飛下後着袞衣

真龍貴穴面前或多順水之砂俗眼必望而畏之或
指爲退田筆或指爲離鄉砂縱有美地亦不敢信豈
知此乃曜氣爲極貴之應哉楊公云或如刀或如劍
隨水順流俱冉冉庸師只斷定離鄉豈知內有真龍
占蓋真龍正穴旣已融結雖有微砂順水多是秀曜
不可一例斷作退田筆離鄉砂何也蓋砂如美女貴
賤從夫故爾如大貴人旣在此建府創第或開藩建
節則軍將兵衛或左或右或出或入皆是爲貴人奔

走服役故順去者亦無所畏乃爲秀曜貴氣之驗然
亦須要收拾之不可使蕩然而去張子微云如龍穴
真正而有凶殺照射或順水走攝惟在收拾能收拾
則縱有凶殺旣爲我用不相刑射譬如大官貴宦黥
卒賤徒皆爲我用何者權在我故也故大貴之地本
身龍氣重未免無殺氣而護從朝應之山如武夫悍
卒披堅執銳于我側未免無可畏之狀然不知皆侍
衛我者非侮我者也爲我所用何畏之有適足爲貴
證矣

也曾見穴無包藏一突在平洋

包藏者穴之護衛以蔽風寒不可無也訣云立穴處
最怕風吹又云穴要有包裹包裹穴無破甚言穴之
貴有包藏也但法貴通變如平洋一突又不必若是
之泥矣蔡文節公云平洋之地不畏風楊公云平洋
不怕八風吹此皆直指平洋不須畏風不必論其左
右之有無也蓋以平洋之地一望無際風行地面不
入地中故雖無包藏亦不爲害譬如人在平原曠野
皆無障蔽雖終日受風不至爲病若居密室坐卧之
所有憲櫺罅隙賊漏射入之風則能爲患故山谷最
怕凹風而平洋之地既無凹風又何必拘于周密乎

也曾見穴多餘氣山去數十里

大龍氣盛一時收斂不盡故結穴後有餘氣之山或去數十里此地力量極大俗眼觀之龍氣未盡必懷疑惑不敢下之殊不知大福力地其結穴必不在大窮盡處經云大地皆從腰裏落餘枝前去作城廓吳公云餘氣不去數十里決然不是王侯地是也范越鳳云真龍踏泊必分牙布爪結穴之外有三五里餘氣竝皆暗拱如人之巨室寢息之處必在堂與之中喻亦親切但所去之山必須廻環護穴或去爲下手或去爲後托或去爲障峽或去爲水口捍門雖去猶

爲我所用則可矣

也曾見穴坐後空得水不嫌風

廖氏云坐空轉面去當朝不怕八風搖是也蓋來龍
踴躍雄猛及入首結穴之際忽然翻身轉面逆水當
其洋潮雖或坐空必有水遶不足畏也葬經云得水
爲上藏風次之此類是矣然亦須穴場藏聚如前所
謂登穴隈聚則吉

也曾見穴面前欺顧祖不嫌低

此回龍顧祖之穴也張子微云高山落平岡之穴而
爲回龍顧祖之地則前朝之山皆我祖宗父母雖高

無害亦不惡其逼迫卜氏云回龍顧祖祖不壓高蓋以子孫見祖宗則尊卑之禮出乎自然雖高逼不以爲欺非客山來朝之比若是客山高逼則有陵壓之患謂之客山欺主不可下也然顧祖穴雖不畏前朝高逼亦須其山開面平正秀麗而無粗惡欹斜臃腫醜陋形狀及尖射飛走破碎嶢岩等像則可

也有巧穴名合氣來脉雙龍至

合氣之穴力量極大或二龍三龍以至九龍合者愈多愈勝經云更有兩龍合一氣兩水三山共一場是也

也有巧穴名龍脫來脉水中過

龍脫者山脉斷絕穿落過水如人脫離而去無所拂
著之意卜氏云棄甲曳兵過水重興營寨陶公云馬
跡過水攬衣渡河皆謂龍脉從水中渡過然後復起
星辰結穴也然氣乘風則散脉界水則止今言過水
何也蓋必有石梁之脉穿水過如俗所謂十大崩洪
石梁渡脉過水之說方是如海中諸島亦是水底石
脉聯屬耳蓋水不界石脉而界土脉邵子曰水則人
身之血石則人身之骨土則人身之肉故血行於肉
不行於骨血以資肉肉以養骨以資身惟氣無往而

不通也訣曰漏脉過時看不得留心仔細看龍格穿河渡水過其踪認他石骨爲真脉此察龍脉渡水之要訣也

此皆奇巧令人疑造化隱真機

已上皆巧穴而恠者共二十二卦乃造化隱機必俟有德之人而後得之耳

更有醜拙尤難識福應無差忒醜拙醜拙何醜拙真有玄微訣君子盛德貌如愚良賢藏若虛

真龍藏倖而爲醜拙之穴極其難識卽其形狀若爲可棄然驗之僊蹤福應無爽毫末若此者豈非其有

玄微妙訣乎故得其訣雖醜拙亦爲可取猶之大知
若愚大巧若拙老子曰良賈深藏若虛君子盛德容
貌若愚是也以穴之醜拙而棄美地猶以貌取人而
失之子羽矣

又如女子德淑賢貌醜不須嫌

悅色而不好德世俗之蔽如女子貌陋而有淑德世
多以醜棄之貌美而有穢行世反以美取之識者必
爲長大息也西施絕色適以傾人之國而無鹽醜女
乃以興邦信不在色而在德耳故凡論穴當以龍爲
主龍旣真則穴必的外雖醜拙而内含真氣融結法

有可取猶女子之有淑德而特外貌不揚君子取以
自配必成內助之功若必欲拘于穴之明顯而不審
乎龍之是非是爲悅色而不好德也寧不置義地於
無用哉

爲君泄破天機秘醜拙莫輕棄也曾見穴乳直長左右
沒攔當

長乳者一乳中出獨長兩邊龍虎抱衛不過人之見
此莫不以其孤露而棄之殊不知正脉中出氣力旺
盛勢難頓止故獨出而長也至結穴處開窩開鉗自
有本身龍虎衛穴外山護脉雖後來左右爲托爲送

之山短縮纏不過穴亦不爲害楊公云貪變廉貞梳齒樣長枝有穴無人葬人言龍虎不歸隨誰知葬後生公和是也若乳頭不開窩鉗或轉向左右則是抱衛他山之砂而孤露矣不可下也

也曾見穴腦偏側時俗難辯識

真龍閃跡變態不一世俗只識端正之穴豈知巖停之龍穴多在偏側處融聚屬伯韶云談山談水世俗多用拙不能爭奈何誤葬每因求正面不杆渾是棄偏頗豈識真玄奇妙處僊人多是下偏坡是也但偏側之穴後有鬼樂方爲真的如無鬼樂不可妄下

也有穴下生尖觜楓葉三丫躰

楓葉三丫星辰穴下出觜騎形坐殺杆之主貴有威權文官兼武

也有穴前觜直長鑿作臂迴還

結穴已完而餘氣猶去不住當鑿其去處爲內堂作

一臂逆掬爲妙如婺源縣九都程氏一地長慶者

開帳而下結穴甚美只是前去直長俗皆于盡處取

穴不利程氏於頂來脉成星躰處杆穴而截去直長

之贅疣鑿作逆掬一臂爲內堂當代出貴聯登科第

也有穴後是空槽玉筋夾饅頭

陽中陰之變也卽合鉗穴

也有穴前是深溝金規與銀槽

陰中陽之變也卽正鉗同

也有醜穴如鶴爪突露無人曉

楊公云祿存帶祿爲異穴異穴生成鶴爪形鶴爪之
形兩邊短一距天然撐正身此是祿存帶祿去長股
之穴爲正形起頂或成衣冠更短短低生左右臂左
臂短如揄笏形右臂短如佩魚勢時師到此多狐疑
却嫌龍虎不纏衛是也

也有醜穴似牛皮懶坦使人疑

平坡之穴微有窟突俗眼視之如牛皮懶坦無處可
下不知散中求聚力量最大楊公云撒網之形似牛
皮不着緋衣多食祿是也

也有醜穴少一臂時師容易棄

世俗論地只愛左右均勻纔有欠缺則所不取此其
常耳却不知有等真龍大地結作詭異之穴多不齊
整或有龍無虎或有虎無龍明師見之自有定訣古
歌云有龍無虎亦爲吉有虎無龍未是凶只要外山
連接應分明有穴福常豐卜氏云或有龍無虎或有
虎無龍無龍要水遠左邊無虎要水遠右畔范越鳳

云水來自左無左亦可水自右來無右亦裁張子微
云又有如釵長短股無乳無穴何處取此名龍縮縮
處尋短股頭間氣脉聚或左或右穴皆然定有外山
作龍虎楊公云也有左長右枝短也有左短右枝長
世俗庸師多不取豈知異穴生賢良皆確論也蔡氏
云欠缺不齊天地之奇此類是也

也有醜穴躰粗頑細認太極安

粗頑之處人多厭棄不知其有微茫太極窟突之形
蝦鬚蟬眼界水分合明白乃爲貴地然此穴多能誤
人若躰察不真不可草草必須細察龍脉真的方可

須知二五
二
杵之

也有恠穴是擔凹樂起貼身高

張子微所云又有凹穴兩肩起正對圭峰凹入底乳
頭又更對凹生作穴如何安頓是此名天潛不可輕
凹處深藏有妙理者是也凡擔凹之穴必要有後樂
貼身蓋照若垂乳結穴而乳頭長者則是氣鍾于乳
雖無樂亦不妨却要後宮包裹不可空曠或有孝順
鬼尤妙

也有恠穴是仰尾氣感前頭下

凹腦之穴氣感于前必要後宮仰尾若仰尾內又出

一乳則非真結此穴須有後樂爲準若垂乳者穴立乳頭後有孝順鬼無樂亦好此與擔凹穴同一格耳也有恠穴似拖鎗只要護纏長

楊公云尖鎗之山要外累外累不牢反生禍外山包累穴如鎗左右包來尖不妨山來雄勇勢難竭是致尖形也作穴只要前山曲抱轉針着正形官不絕又云有如破軍變貪狼貪狼入穴如拖鎗拖鎗之穴人嫌醜只緣護纏兩山長者是也

也有恠穴如關斧須要鬼樂守

關斧之穴如穿針關線橫來直受直來橫受楊公云

亦有異穴如鬬斧不拘左右生龍虎橫龍却向直中
并直山却向橫中處是也却要有鬼有樂以爲證應
方可安穴廖氏云橫龍結穴必要鬼樂山宜後峙蔡
氏云此等之穴先看有鬼無鬼次看前山潮水二者
相應再看托樂便可下手并之若無鬼樂徒有前面
山水不可下也

也有恠穴無龍虎何人將眼覩

世俗觀地惟求龍虎二山弓抱而已此外無復知識
楊公云只來山上覓龍虎又要圓頭始云吉是也殊
不知龍穴真結不必有龍有虎若龍穴不真縱是有

龍有虎反爲花假之地經云君如識穴不識恠只愛
左右抱者強此與俗人無以異多是葬在虛花裏虛
花左右似有情仔細辯來非正形虛花作穴更是巧
仔細觀來無甚好

也有恠穴無案山諸水聚其間

天造地設真龍正穴有主山必有賓山廖氏云第一
尤嫌無案山衣食必艱難今乃有真穴而無案對俗
眼見之必以有主無賓棄之豈知水潮卽是山朝楊
公云也有真形無朝山只看諸水聚其間汪江萬頃
明堂外內局周圍如抱環是也

也有恠穴如反掌窩靨形微坦

楊公云也曾見穴如反掌却與仰掌無兩樣蓋反掌之地形躰偏反但亦有窩靨之穴却與仰掌之掌心穴法不異矣

也有恠穴要鉤皮苞節認玄微

木星之穴以其來勢直急恐有殺氣故鉤皮下之必要立穴處有苞節芽蘖方爲真穴不可於硬峻急直之所強勉鑿穴故曰苞節認玄微

有如壁上撲飛蛾細看突無多

貼壁飛蛾微有突穴安突間粗中細也

有如壁上掛燈盞但見窩微仰

楊公云落在高山掛燈樣急中緩也

急山忽然一坦平穴向此間停

急中有緩多結仰高之穴廖金精爲吾邑張氏下一
貴地土名白牛坦乃萬仞山半忽然一塊平坦穴安
坦中是急中緩也

緩龍到頭突忽起穴向此中取

平洋之地龍勢似緩入首忽然突起謂之平中之突
葬書所謂地有吉氣隨土而起者是也此穴至貴但
宜葬於巔緩中急也

精神顯露反非祥隱拙乃爲良

卜氏云何精神顯露者反不祥何形勢隱拙者反爲
吉隱拙者定有奇跡異蹤顯露者多是花穴假形良
有以也

真龍藏倖韜神機奇恠使人疑

真龍藏倖至結穴處韜光斂華晦其神機而爲奇恠
形穴使人見之群疑滿腹非有灼見不敢下也

奇恠奇恠何奇恠千形并萬態能乘生氣任君針奇恠
莫疑心

山龍之變態無窮奇形恠穴安可悉舉一言以蔽之

曰葬乘生氣而已苟能于地理中識透葬乘生氣妙訣任君所扦皆能護福何奇恠之足畏哉廖氏云變化無窮聊舉例作用皆如是乘得生氣任君裁奇恠不須猜揚公云恠形異穴人厭看如何子孫世爲官只恐恠穴君未識識得裁穴却無難是也

大抵奇形并恠穴只把龍神別認得真龍穴便真此訣值千金

有真龍則有真穴龍旣真的穴雖奇恠亦不足畏楊公云大凡諸山來此聚諸水流來聚此處定有真龍此間作只恐不知龍住處住處多爲醜惡形世俗庸

師心裏懼故扦恠穴之法惟在審龍誠於龍認得真
何奇恠之足畏哉善夫西山之言曰葬書千經萬論
地理千形萬狀言不能盡狀不能徧約而救之不過
龍真朝的水土交會穴必在焉雖神秘恠異亦可測
識若外此以求善法非吾之所知也

假龍無穴不堪安莫作恠穴看若將藉口亂安墳誤盡
世間人用恠不能當守拙緘口休談說要知恠穴有真
玄須遇至人傳

大凡無穴必是龍假蔡西山云假龍誤人甚多其擺
布精神起人眼目與真龍無異只是到頭結果無取

故世俗之人止謂其秀特而時師又以真龍醜穴之
說文之鮮有不爲所惑者子微云假龍亦有穿心開
帳有星辰秀麗有撓棹手脚亦有擺布但無迎送或
蜿蜒四五里或縈迂數十里至大盡處乃無穴可下
是也故真龍恠穴乃是有穴而特醜拙或有穴而特
奇巧非若假龍之無收拾結果至盡處或有窩而虛
濶空亡有乳而直峻粗大有鉗而漏槽破頂有突而
破碎頰暈不可扞莢若不能辯龍真假而以假龍無
穴之處指爲龍真穴恠強勉鑿穴以此藉口而誤世
人其害不淺不若置恠穴於不談尤爲愈也噫業地

學者當虛心訪求明師極辯而研窮之不可草率鹵莽強不知以爲知苟一朝之財賄前輩謂醫藥有誤禍止一人地理有誤禍及一家捧誦斯言尤當悚惕可不戒哉可不慎哉

補義

右巧穴二十有二以其穴形完美而所處之地異於常故曰巧拙穴二十有二以其穴形隱拙而醜異之態出於常故曰拙兼巧與拙總名曰恠凡四十有四然恠穴亦不止此在智者觸類而長之耳夫所謂恠穴者乃權變恠異之說也如三出其妻

者似閨化之不行兩棄其子者似家教之不立君
臣有義也而有放伐之舉兄弟貴友也而有破斧
之誦此皆聖賢制禮之極而乃出于常理之外也
地理恠穴之說無以異此故葬書云過山不葬乃
正論也而恠穴有騎龍斬關之法石山不葬乃正
論也而恠穴有扞於石間之法獨山不葬乃正論
也而恠穴有扞於無包藏之法雪心賦云脉界水
則止乃正論也而恠穴有扞于龍腕之法穴後須
防仰尾乃正論也而恠穴有扞於仰尾之法可惡
者泥水池邊尋穴乃正論也而恠穴有扞於沒泥

之法洞林訣云穴欲住而不欲吐乃正論也而恠
穴有扞於長枝中腰之法黑囊經云穴要有包裹
包裹穴無破乃正論也而恠穴有扞於無龍虎之
法廖氏云第一莫下去水地乃正論也而恠穴有
扞於直流之法董德彰云鎗頭休下鼠尾莫扞乃
正論也而恠穴有扞於拖鎗之法凡此之類本皆
出常入恠舍經從權十氏所謂更有異穴恠形我
之所取人之所棄是也然古今恠穴名墓處處有
之固非鑿空妄誕之說但俗鮮其傳而知之者寡
一得於驟見之間固宜其心駭而疑也惟高術之

士得其真傳會山川之性情識生氣之聚散苟穴
與目遇卽目與心通雖拙而亦以爲義雖醜而亦
以爲妍是常亦常恠亦常不知恠之爲恠矣張子
微云平夷之地俊秀之峰端正之穴人所易見惟
諺語云若要發險中做者須明眼高師能之楊筠
松云恠穴異形人厭看如何子孫世爲官只恐恠
形君未識識得裁穴却無難識恠不易信恠尤難
師識而主不之信傍人又從而破之柰之何哉此
皆天造地設以俟有福緣者耳故此等風水易得
難行易行難信有造物主之常人以醜恠而不顧

故得之易庸師以隱拙而難知故扞之難師能識
之不遇有緣告之不信一或因緣湊合每有無意
求地之人暗與穴遇豈非造物使之噫人子求地
上以寧父母下以保子孫其爲關係匪小而明師
難遇美地難逢若之何哉亦曰積德以俟之而已
矣

人子須知卷之二十六

恠穴下

巧拙萬金歌

論恠穴亦頗明確增附註釋并恠穴名地圖具後以廣未備

龍有好惡首須知穴有巧拙難整齊好母偏生奇恠女
名郎不擇俊嬌妻高人論德不論色閥閱止問是誰兒
天機好處從來秘莫教粗眼識真機踏得真龍難尋穴
把作茅叢容易撇欹斜缺折不須論但於局面低中尋
自是蒹葭成野穗由來芍藥結苞深梧桐葉上偏生子
楊柳枝頭出正心
揔論義地不限常恠當看所出之祖何如耳

杞子又芽難見實要從變處識精全

杞梓枝龍格如初生梓餘斗角屈摺勢如人字依摺
又有斂骨排行本是偏氣然得五七節首尾如此卽
是龍氣不雜亂亦爲合格必須審其變處可結均勻
之穴故曰要從變處識精全若一向偏而不變均勻
則不足取但人字亦皆于一字中心出斜脉雖節節
斜行亦不妨爲中出之龍故此龍多生奇穴亦頗難
測識

蘆花梟水東西點未必條條着地尋

蘆花梟龍格多在平地水際花點東西不定不可執

一而以正條尋穴恠穴多在邊傍或曰蘆花裊龍格
雖居平地或又變起星辰在山上結穴故曰未必條
條着地尋也亦通

一點露華垂草尾十分香味在花心

此諭大窮盡處縱有結作不過露華垂於草尾而已
力量幾何真龍大地分牙佈爪吐霧興雲結穴外必
有餘氣之山廻環拱衛穴在中腰故曰十分香味在
花心

岸上樓臺沉水影山中木植墮田陰龍頭必向雲中出
蛇影難從山上擒

四者皆譬形穴在此取應在彼若於應處求穴則誤矣

此義僊人不傳授高明通曉在胸襟

僊翁非吝於傳授蓋非口舌所能言筆畫所能寫妙在心悟耳

固知龍祖傳來好更有前砂識倖心

來龍好必結好地固其理也前砂尤能証穴之所在楊公云真龍藏倖穴難尋惟有朝山識倖心

西岸月升東岸白上方雲起下方陰

此承上文前砂識倖之意蓋取應之妙耳如東邊有

秀異之朝砂西邊必有真龍之結作

若還只問好頭面假穴常常真乳見

若不審龍徒泥穴之頭面則假穴多有好乳誤人

開枝依舊有遮欄過形只是無針線

此承上文假穴多有一乳中垂左右亦有龍虎遮欄
只是後龍不真全無度峽來脉不明蓋相山之法在
審龍而審龍之術左觀峽未有真龍而不度義峽未
有峽義而不結吉地峽之義者如梭帶絲如針引線
如藕斷絲連兩旁遮護稠密不令風吹水劫峽之凶
者則無此格徒有遮欄非真脉矣

談山談水世俗多用拙不能爭奈何

談地理者不可勝計能用拙穴者幾人蓋識之者少也

誤葬每因求正面不杆渾是棄偏頗

假穴端正起頂垂乳易以惑人真龍棲閃千變萬化
詭異偏斜難以測識故世之大地往往有在路傍而
人不著目者多以偏斜棄之耳

豈識真玄奇妙處僊人多是下偏坡

僊人名墓詭異醜拙難識者每多偏側非故好此怪
異廖氏云頭顱雖有不同力量本無二致是也

好婦不須全俊義福人何用太嘍囉

醜婦生貴子福人無機關喻大地多醜拙之穴

大凡好地作醜穴不與世人容易說若教大地穴分明是使天機容易泄

龍真醜穴造化之微機也

試說楊州有一地地名霜山金沙尾十里來龍的的真到作穴處笑殺人三家葬後盡改去一家買得復不取一家轉買仍不用再賣與人身姓董買成幾年不敢葬無人定穴不知向一朝遇着栢葉仙大喜此地意洒然董家杵後出俊子連登上第躋膺仕稅錢也及千貫錠

庫業十州難計量又有徐州一穴地朝秀堂寬龍虎衛
人爭扞葬有五墳發蹟政功總不聞但言扞後多敗絕
內有一家先發瘞又有蔡州廬家塘穿心龍出面向陽
虎長龍短乳穴側賣過七主無喜色黃家老翁有陰德
遇着曾僊爲指獲葬後一子入臺諫一人執政廕孫枝
至今仕宦尚不絕代代稅賦無休歇一族百家共此祖
箇箇富足少貧窶苦遠不是遇神仙分付時師定不然
要求大地先種德自有高人爲爾扞

三段証以龍真穴醜不害其爲貴地假穴明堂寬大
朝對秀麗龍虎抱衛而坐下無龍葬者敗絕顧何益

我未言積德自遇明師又云本之至論也

附諸恠穴圖

南安傳氏祖地

金盤戲花形



右地在永康縣東北五十里其來龍甚遠不及詳述
將入首大帳帳下疊出木星三四座聳立仍走弄數
里一齊落下平坡勢如層波疊浪級級湧來諸脉合
氣數大枝合爲一脉二水交會處忽起小小石山遠
抱以作龍虎及近案爲證而穴結泥水田中培土成
墳登穴觀之四面遠山簇簇星峯拱照二水交于穴
前迴環屈曲且石曜自泥田中露出左奇乃范氏所
扞課云六十年來出雙貴誰知妙穴在泥田果出兄
弟雙科

范氏乃豐城范麻子永康諺云若要死去請范麻子

若要敗去請劉永太蓋此二師同時皆慣點奇恠之
穴也亦有不利初年者故時謗如此

按王氏祖墳景泰癸酉年葬至正德癸酉而兩房各
生子一名楷一名桂嘉靖乙卯科鄉舉楷號竹峯丙
辰進士官都諫果六十年出雙貴今人財大旺

永康施氏祖地

騎龍穴丙向

十子百孫



右地在永康其龍甚遠枝節繁衍過峽重叠將作穴
疊三峰抽一偏枝閃出數節結穴低平而開鉗于前
又吐出一脉穿田前去三十里作有陽宅數處此卽
騎龍穴也且其正出之山卽逆遠于傍以爲纏護前
去不遠而止亦無大結作按此乃明師劉永太所下
施氏子名孟達與劉僊交厚一日拜劉僊求吉地安
父母劉問曰汝要人丁千口乎汝要官貴極品乎施
曰只願人丁大旺足矣劉乃指此騎龍之穴葬後果
生十子子又各生十餘諸孫共百餘三人鄉閭皆稱
十子百孫至今人丁千口之繁爲永康巨室

旺丁貴
不出貴

泉州黃榜眼祖地

圖須知二

峰

翼

甲

辰



右地在泉州府晉江縣西南二十里土名烏石山其
龍發自紫帽峰辭樓下殿奔騰踴躍頓伏三十餘里
將至作穴大斷過脉忽起撐天大帳橫濶十餘里自
帳內頓起衝天木星一連三座大小相等竦密均停
結天然之穴其大帳兩角掬抱過穴穴前兩山交互
圈內自成一家高數丈餘人行大路在下莫知上有
此竒及登山入內則迥然開暢一龍中出木星聳秀
誠如閨中之女本身二水合襟遙抱內堂交會外洋
寬平前峯端聳如頓笏當面海水九曲來朝左右諸
峰羅列四神八將應位三竒六秀咸集真美地也葬



後六十年出榜眼儀庭公鳳翔

傳竒榜眼公曾祖大學上舍晚年得子子方半歲上舍夫婦繼亡歸窆皆宗族與諸戚營之及子長而諸前輩亦謝世矣求其父母墳墓無有識者至晚年將沒囑其子竹亭公曰吾生未得履父母墓今死不瞑目汝勿葬我須徧覓汝祖墳倘天憐我得附葬于側泉下瞑目矣竹亭公乃百計訪求因究心地學四十餘年嘉靖庚申忽有李方二姓皆以尋風水至烏石山中異其竒秀知爲義地構訟于官時郡守拘山隣審之卽云此山非李亦非方山乃黃氏祖墳今五六

十年不見有人祭墓經管者但相沿謂黃氏業亦不
識爲何黃氏也郡守思欲息二氏之訟乃密令人覓
有秀才姓黃者適儀廷公從庠中來後者請之入見
郡守郡守卽批付前山竹亭公遂往山翫之喜曰此
非天與我乎見古墓崩頽心動乃卜日修墓開土尺
許卽見碑石宛然歷叙世代乃其祖上舍公墓也遂
以父附葬次年辛酉儀翁發魁戊辰及第見任翰林
侍講人皆以世德孝感所致云

蒲田郭侍御催官地

留



平田 濶坂

平田

自山下登至穴高三里



右地乃天巧穴格龍自壺公山發祖重重開帳入首
精俊是催官地也此地葬侍郎之父葬時侍郎在襁
褓中及長登嘉靖庚戌進士屢官都憲兵部侍郎巡
撫廣西公號華溪名應聘福祉方亨

右文

左武

朝無正情

亂石縱橫

三鶴爭歛

陳霸先祖地

騎龍穴

中正

地名三天子岡



右地在績溪西入都其龍發自黃山南龍正脉分枝
疊帳千峰磊落萬嶺巍峩屯軍驅馬旗鼓旌節重疊
高在雲端將近穴大帳撐天勢如雲擁帳中星峯雄
昂自天而下連疊串珠數節結騎龍穴穴前起一圓
峰峰外直拽如鶴嘴插入水中左右兩山自少祖發
出拱抱向前亦垂鶴嘴入水水中一長石如舟呼爲
三鶴爭鯁形外山羅列兩傍左皆麓惡峻嶒右山皆
木火秀麗舊謂左武右文登穴觀之面前渺渺無際
但龍神殺氣未除星辰反悖文武亂班流神駁雜此
所以非享大位而爲偏方僞主耳故霸先亦不過如

台州侯氏祖地



須矢二六

右地在台州府治南七里土名旗山其發自望海峰
頻跌雄猛起伏精俊勢如天馬奔行又如羣羊出棧
將至結穴過峽奮身出脉隱隱乃急中之緩穴前似
峻而不峻左右二水交結諸峰拱照乃西兌行龍朝
北作向刻山對面觀之儼如展旗穴後一山樂托前
應雙塔幘山挺然奇秀乃侯氏始祖自宋至今人丁
蕃盛科第不替出侯丕翰林檢討曰臣登進士左布
政曰潤進士通政司叅議曰濟曰汾曰冲曰簡曰聘
曰向皆鄉薦曰絨進士左布政曰溪進士知府

臨海戴御史祖地

雖然左
凹風不
射穴所
以為奇



右地在臨海縣東北二十五里土名柘坑其龍乃府
龍分出左枝在三十里落脉迢遞奔走起大峰巒復
過峽再起大帳疊疊至結穴橫脉斜穿而左臂凹缺
缺而復起轉作下臂包成左單提穴而前面諸峰如
卓筆侵雲下有方平如一字以爲正應水口一山突
起成捍門之格登穴觀之左邊雖凹又得外山高障
明堂四水來會而中有一阜如印出父子進士兄弟
御史一僉憲一州守名汝愚人丁科甲冠邑

華容黎扶元祖地

此催官地耳秦公鳴雷戊寅生嘉靖甲辰伏元及第
官至禮部尚書二子懋約懋博皆發科富貴未艾



右地在華容縣東土名石笋王其龍甚遠穿田渡水
忽起星巒自小兒山湧大帳奔行數里換骨頻異石
嶺巍哉挺然天表勢壓群峰峰生石笋卓立十餘丈
迥然清俊百里望之莫不駭目但穴結太迫以木火
之星而作金水之穴前吐餘曜雖奇主星兩肩分劫
尚多俗眼必爲發祖之處反以兩臂餘支求正穴也
葬書云群壠衆支當擇其特衆山低此獨高衆山小
此獨大衆山土此獨石且前應文筆插天星峯矗矗
融結不凡出狀元黎公淳官至禮部尚書子官方伯
但劫重火性燥而易滅故貴止二代少水產不豐耳

泉州黃尚書祖地

壬戌年葬之
後五年生尚
書公

來

尚書丙寅
生登嘉靖
巳丑科進
士



坐申
向寅

地名八尺
嶺

墓

右地在泉州府西北四十里土名八尺嶺其龍自葵
山發祖迢遞奔行七八十里北入局跌斷過峽頻起
衝天火星侵雲削峻兩肩大展復遠抱向前中岳隱
隱之脉忽于山半開平連疊數級平面土星乃于土
氣之下融結微窩之穴界合分曉左右彎迴內堂平
聚雖是順水作局而收拾齊整大溪至此橫逸過右
前御屏聳立尊嚴端然朝拱但主星卓峻衝霄雖明
堂中仰望後頂高入天際不見垂落之脉似乎玄武
拒屍且火星剛燥亦不融結不知連疊平坡則是生
土火以生土急中有緩矧兩肩垂落重重遠抱有情

泉州曾丞相祖地



風氣歲聚龍旺穴尊朝端從美真吉地也葬後出經
歷公晟教諭公綬俱贈刑部尚書其孫光昇登進士
官至大司寇曾孫喬棟官太守富貴未艾

右地在泉州府西北八十里其龍發自安溪迢迢奔
行八十里頓起極高大之山盤旋數百里結天巧之
局衆山從擁高起撐天大帳帳中一脉委蛇頓跌生
曜生宮兩邊帳角衆山一齊左迴右抱至入首結仰
天金水星中生一窩四圍石骨而左右遙抱之山交
互過前成一字文星以收盡內氣此外俯視下界萬
山矗矗穴中皆不見但數十里外海水汪洋遠接天
際縹緲極目取日出扶桑一點紅特奇之應俗呼番
天馬蹄形以穴狀名也出太保宣靖魯國公亮端
明殿學士考寬戶部尚書考廣及狀元從龍諸貴

績溪張氏



績溪張氏

官路

陰陽地

右地在績溪縣東十里橋其龍來歷甚遠不詳述將
至作穴起水星大帳帳中落脉頓起冲天木星數座
仍跌斷過脉透迤精巧連珠數節復頓起天然木星
四面皆圓而全身石骨穴結山顛其後大帳兩角皆
環抱過前以爲龍虎交結而隨身一水界送至穴前
交合泄下大溪約高數丈其大溪自右而來橫遠于
前隔溪秀應重重下手石橋鎖斷地戶形勢精俊風
氣藏聚俗呼照天蠟燭形光明穴葬後未久張氏之
福祉方亨

傳奇張九朝奉一口往鄉庄至城外二里許于路傍

登廁見廁屋內青布包裝束甚整自度必商人遺物
開看內有衣一件簿一扇銀二十錠又碎銀一包遂
不往莊候之日是無有尋者乃書字于廁曰張九今
日辰刻在此獲青包失主見字可往東莊來認次日
其人尋至見字至莊所拜告愿分一半張對實悉還
之分毫不取其人拜天祝君長壽富貴張旬日忽夜
夢其祖與之曰汝陰切天與吉地可速往十里橋邊
必有所遇覺而天曉即日至十里橋坐候至日西有
二人押一人至其人到橋邊抵死不去指曰此內我
有山一片愿典還穀債其二人不受山定要穀張即

扣之曰穀價幾何曰一十石張與銀而受其山歸詎
于妻曰我夜夢獲吉地果應次日觀山全身皆石無
下穴處乃徧請名師點穴十餘年經師百數莫有能
下穴者又自訟曰昔夢以爲陰德之賜今無穴可扞
是吾德薄仍捨棺木修造橋路又三年其妻夢神人
語曰照天蠟燭穴居顛後句似言富貴不能記張喜
曰山頂必有土卽往山察之果然乃葬父于高頂今
五十餘年有三貢舉鄉稱陰德地

按此龍穴後必有顯者且穴居山巔元辰泄下數丈
本不利初年五十年尚未行至木星得秀之處蓋發

愈遲而福愈大天理地理昭昭然惟待其時耳

右諸恠穴乃恠之最恠者皆古僊跡明驗足徵非誣也但君子語常而不取恠况茲恠之最恠何可爲訓然此實乃天地藏機以福善不使尋常可測故爾矧穴恠而龍必不恠造化旣明泄于龍矣豈復文示以穴乎知者審龍自可得穴但極大之地其恠尤甚諺云地有十分大穴有萬分恠是以古僊括師點恠穴者未嘗不細用心機參詳思索或一月而得之或一年而得之或數年而後明或十年而後定不敢輕易以爲是必深知其情性洞究其玄微劃然神悟透徹

真機果有定見造化在乎手矣豈不難哉古語云一
年學得尋龍十年學不得點穴又云坐勢尋龍易登
山點穴難若還差一指如隔萬重山大抵乘生氣全
在點穴而點穴須在正心誠意從容精詳返復玩索
此係險事豈可同明顯之穴而易視之切不可巧逞
聰明鹵莽苟且僣葦如廖公看大汾潭地沐國公祖地也盤
桓月餘賴公扞黃氏蛇形三移其壙薰德彰扞倪銜
史祖地三遷其穴劉誠意點金華鄭氏鞭山地往來
二十年始得其妙因自歎曰我愛鞭山二十年鞭山
對我默無言今朝始悟鞭山趣貴穴從來不易扞此

見括人慎重不苟如此世有作聰明強不知以爲知
或以自誤或以誤人吾不知其設心何如也竊又惟
夫世有不思安親人子一生極重大事而輒信匪人
以斷法小術妄言禍福一或偶中遂以爲神而不察
其誠僞一切委之不免致後悔者多矣

人子須知卷之二十六



卷之六

七